

EXPOSICIÓN
DO 8 AO 16 DE
MARZO



CONCELLO D
OROSO



CENTRO CULTURAL
FERNANDO DE CASAS E NOVOA

Rúa da Cultura, nº1

15888 Sigüeiro– Oroso

Tel.: 981 690 903


www.concellooroso.com

biblioteca@orosogal

VII CONCURSO FOTOGRAFÍA
“MULLER TRABALLADORA”



CONCELLO D
OROSO



VII CONCURSO FOTOGRAFÍA “MULLER TRABALLADORA”

BASE PRIMEIRA .- PARTICIPANTES

Poderá presentarse toda persoa que o desexe das comarcas de Ordes e Santiago de Compostela.

Categorías: XERAL (maiores de 16 anos) e INFANTIL (9- 16 anos).

BASE SEGUNDA .- TEMA

Con motivo do Día Internacional da Muller no que se conmemora a loita da muller pola súa participación e igualdade de xénero na sociedade e no seu desenvolvemento íntegro como persoa, convócase este concurso, centrado no ámbito do traballo e co que se pretende que a través das imaxes se reflecta o traballo das mulleres en calquera eido.

BASE TERCEIRA .- NÚMERO MÁXIMO DE FOTOGRAFÍAS

O número de fotografías que pode presentar cada participante estará limitado a 3.

BASE CUARTA .- TAMAÑO E PRESENTACIÓN

O formato das fotografías será de 20x30cm. En papel fotográfico. Admitiranse fotos en cor e en branco e negro quedando prohibido o uso de programas de retoque fotográfico.

As fotografías presentaranse sen montar, sen paspartú, marco nin cristal. E sen datos persoais que poidan identificar á persoa autora.

Aqueles fotografías nas que apareza unha persoa identificable, deben contar co consentimento da persoa retratada. (Anexo I) A non presentación deste anexo implica quedar excluído/a no devandito concurso.

BASE QUINTA .- OBRAS

Cada fotografía levará un título escrito por detrás, xunto co pseudónimo que indique o autor ou autora. Nun sobre pechado co pseudónimo e a categoría á que pertence escritos por fóra, o autor ou autora introducirá os seus datos persoais. (Nome e apelidos, NIF, enderezo e teléfono) así como un CD coa fotografía en formato dixital no que figure o título.

BASE SEXTA .- PRAZO DE RECEPCIÓN DOS TRABALLOS

As fotografías entregaranse na Biblioteca Municipal no centro cultural Fernando de Casas e Novoa de 09:30h a 13:30h e de 16:30h a 21:00h. O prazo de entrega das obras rematará o 24 de febreiro de 2017.

As persoas participantes tamén poderán enviar as fotografías por correo postal dentro do prazo de admisión do parágrafo anterior. Neste caso a participante xustificará a data de imposición do envío na oficina de correos e anunciará a este concello a remisión das fotografías, mediante fax (981691786) ou telegrama ata o día 24 de febreiro de 2017 ás 21:00 horas.

Sen a concorrencia de ambos os requisitos non serán admitidas as fotografías, se son recibidas por este organismo con posterioridade á data de terminación do prazo.

Porén, logo de transcorrer os 5 días hábiles seguintes á data indicada sen recibirse as fotografías estas non será admitidas en ningún caso.

BASE SÉTIMA .- PREMIOS

O xurado establecerá tres premios: na categoría Xeral:

1º Premio: 250 €

2º Premio: 150 €

3º Premio: 100€

E tres premios na categoría Infantil:

1º Premio: Vale agasallo valorado en 100 €

2º Premio: Vale agasallo valorado en 60 €

3º Premio: Vale agasallo valorado en 40 €

O fallo do xurado darase a coñecer o mércores 8 de marzo de 2017 ás 19:30 horas no centro cultural Fernando de Casas e Novoa, no marco dos actos conmemorativos do Día Internacional da

Muller .

BASE OITAVA.- FALLO DO XURADO

A decisión do xurado será inapelable. A selección das fotografías realizarase tendo en conta a súa calidade técnica e artística e o grao no que foran capaces de captar a esencia da temática do concurso. No caso no que o xurado así o estime todos ou algúns dos premios poderían quedar desertos.

Para poder recibir o premio é condición imprescindible estar presente no acto de entrega que terá lugar o día 8 de marzo ás 19:30h no centro cultural Fernando Casas e Novoa. No caso de non poder acudir, pódese enviar unha persoa representante, coa autorización expresa do/a titular da fotografía.

BASE NOVENA.- DIFUSIÓN DOS TRABALLOS

O Concello de Oroso resérvase todos os dereitos de propiedade e uso das fotografías, citando sempre o nome do/a autor/a, pasando a formar parte do patrimonio artístico-cultural do concello. Todas as fotografías presentadas ao concurso serán expostas ao público no mes de marzo en dependencias municipais. Se a cantidade de obras recibidas excedese o número máximo para a súa exhibición, realizarase unha selección previa.

O Concello garante o correcto tratamento dos datos de acordo coa Lei Orgánica 15/1999 de Protección de Datos de Carácter Persoal (LOPD).

BASE DÉCIMA.- ACEPTACIÓN DAS BASES

A participación no concurso implica a aceptación de todas e cada unha das bases descritas.

A organización queda facultada para resolver calquera continxencia non prevista nas bases.

CONCELLO DE
OROSO

